

萃語類編

康德二年九月一日初版發行
 康德五年四月十五日再版發行
 康德七年十一月一日三版印刷
 康德八年四月三十日三版發行

萃語類編(全一册)

(外埠酌加郵費)
 定價國幣六角

錦州市城內區東一街一一〇號

著作人 高殿澍

義縣義州街東南區禮拜寺胡同一六三號

發行人 王東藩

義縣東街天寶書局

印刷人 解俊忱

奉天小北門內

發行所 胡魁章號

義縣東街路北

印刷所 天寶書局

此書有著作權 翻印必究

代售處 各省各大書局

弁言

農夫祁寒暑雨深耕易耨以藝五穀吾得而食之百工技藝作爲器用吾得而用之介冑之士披堅執銳以守疆土吾得而安之苟無功澤及人而浪度歲月晏然天地間一蠹耳唯綴輯聖人遺書庶幾有補此伊川先生之言也現代學校林立莘莘學子束髮受書臨文之餘每苦腹儉而古今典籍浩如煙海雖簡練以爲揣摩亦非旦夕間所能獲益正如窶人之子驟入五都之市金珠寶玉綺羅文繡非不多也其如不適用何

高子沛霖熱心教育善誘循循憫初學之枵腹寡助也爰將淺近文話分類搜輯次第刊行爲學步小兒之柱杖萃五侯鯖釀萬花

蜜學子苟由此而日進無疆則言文行遠馳騁藝林胥於是乎賴
所請渡江應用楫到岸不須船者此也余嘉

高子之有補初學與伊川先生之意旨殊途而同歸也謹贅數語
弁之簡端

高子其許我爲知言否

談國桓題於葦航

序

吾友高君沛霖以所彙集萃語類編見示於余並囑以校閱焉余公務繁冗復不善於文何克當此惟辱承愛重義不容辭姑勉讀一過觀其內容選勝搜奇珠璣悅目言備意賅錦繡生華按類釐題指掌分明先得我心因稱快者再夫學子初學爲文每患腹儉其通病也

高君茲書之出洵爲文言之府庫搜集既豐兼益已作積數年之心力萃集允成其嘉惠初學良非淺鮮語云仁人之言其利溥焉高君實足當之余嘉其熱誠大有功於教育也謹贅序言弁於簡端猶希閱者有以就正而闡揚之斯所賴於同情者云

海城宋德謙序

序

蓋聞百子選金丹左史集精華理深義奧條分縷晰多文之士競珍寶焉余友高君沛霖憫初學爲文之多窘慮後生取材之維艱爰於教學餘晷探索羣籍採摘精要規題分類彙爲一編與學子行文以捷徑其亦有古人之用意歟書成囑余命名余因名之曰萃語類編以副雅意當否不計也

高君煞費苦心以成此書其嘉惠初學之功亦深遠矣哉斯爲序

海城郭書林識

自序

文以顯義亦以明理非考據精詳則義不顯非字句開展則理不明學子初學製錦辭意之間非艱澀即枯窘其故何哉曰蓄材不富耳蜂不吮花汁不能釀蜜蠶不嚙桑葉安得吐絲作文無材料又奚以明理顯義斐然成章乎雖然學校課繁須致力於攻修者不徒文藝範文雖多可讀而篇幅既長復迫於時間每致顧此失彼望洋興歎材料竟無暇蓄積焉殿謝教讀十載有鑒及茲蓄意解除此困難者非一日矣欲求一簡要搜集法俾學子恣意披閱時間省而取材多曾於課餘之暇探索羣籍採摘精要審其資料不足也間或勉加己作以彌補之慮其觀覽不清也通體釐分題

類而規畫之乙亥夏教讀新民縣立女子師中校始克彙成一編
友人郭君仁軒翻閱一過命名萃語類編莘莘學子於是書之資
料倘能本作意而工於綴述善於運化觸類旁通則爲文當覺稍
易而免辭意艱窘之弊歟殿澍才短學薄謬持己見於一般初學
學子聊試所願遺誤正恐良多幸望有道方家規正之此序

海城高殿澍自序

萃語類編目錄

天象 一 學業 二二 忠信 六三 謙和 八四 自大 八九

地利 二 實業 三五 禮義 六七 謹慎 八五 自滿 九〇

人才 四 倫常 三六 廉恥 六八 公正 八六 庸懦 九一

起筆 九 對待 四八 智識 七一 公德 八七 放蕩 九二

富貴 一一 志向 五〇 仁勇 七三 公益 八七 過惡 九三

貧困 一三 道德 五一 恒毅 七六 自尊 八七 奸偽 九四

盜巧 一八 王道 五四 誠敬 七七 自重 八八 貪婪 九六

婦女 二〇 孝弟 五八 清高 八一 自反 八八 諂諛 九七

性理 九八 習熟 一一三 哀祭 一二五 技倆 一四七 珍貴 一五八

心情 一〇〇 成就 一一三 影響 一三五 度量 一四八 差異 一五八

思維 一〇一 憂樂 一二四 變遷 一三六 刑法 一四九 雜論 一六〇

言笑 一〇二 習染 一二六 求本 一三六 風俗 一五二 雜喻 一七二

名譽 一〇五 奢儉 一一七 鑑效 一三七 功業 一五二 賅括 一七三

金錢 一〇七 嗜好 一二〇 賦稅 一三八 交通 一五三

光陰 一〇九 樂劇 一二二 政化 一三九 工程 一五四

難易 一一一 身體 一二三 教育 一四〇 年景 一五四

勤惰 一一一 生死 一二四 迷信 一四六 賑恤 一五六

萃語類編

天象

○形呈卵覆、包含大地之光、極拱辰居（1）羅列衆星之象、四時布行生之令、造化潛施、六氣（2）宣茂育之功、陰陽密運、○雨露沾濡之澤、庶類裁成、風雷鼓舞之神、羣生化育、○冥漠待騷人之問、（3）無聲無臭、荒唐滋辯士之談、（4）不知不識、○列三光（5）而成衆、著不息而行健、（6）霜露降而風雨施、無非效也、（7）四時行而萬物茂、復何言哉、（8）○難讓而靡常、（9）無親而輔德、（10）常虧盈而益謙、（11）每無爲而成物、（12）○言乎空氣、視之無形、聽之無聲、其體輕虛而難憑、其狀渺茫而莫覩、

○夫涼風颯颯、濕氣霏霏、使天地晦冥、萬物愁慘者、謂之苦雨、瀟瀟灑灑、淋漓不止、自數日以迄數十日者、謂之淫雨、浙瀝滂沱、鳴雷掣電、頃刻間而溝渰皆盈者、謂之暴雨、此雨之可憫者也、若久旱而降者、謂之甘雨、知時而降者、謂之好雨、應節而降者、謂之時雨、燥而使之潤、稿而使之興、困而使之舒者、謂之膏雨、此雨之可喜者也

藻註釋

(1)極、極星也、拱、環繞也、辰、北辰也、乃天之樞紐、所謂天無星處曰辰是也、極拱辰居者、言爲近極衆星所環繞、其中無星之處、乃北辰之所居也、

(2)六氣、陰、陽、風、雨、晦、明也、(3)屈原有天問篇、(4)五經通義、鄒衍大言天事、謂之談天、(5)三光者日月星也、(6)禮著不息者天也、

〔易〕天行健、(7)語見禮記、(8)語意出於論語、(9)〔書〕天難謀、命靡常、

(10)〔書〕皇天無親、惟德是輔、(11)〔易〕天道虧盈而益謙、(12)語出禮記、

◎注意 本編註釋每於續刊時將陸續增補

地利

○福地瑯環、○礪山帶河、○金城湯池、○高屋建瓴、○信神明之奧區、而兵家所必爭也、○河洛岐豐、秦之所以興、荆楚江漢、楚之所以強、秦岱渤海、齊之所以盛、○灇澗之區、周所以興王業、瀟湘之域、楚所以定伯功、齊據山海之險、稱盟主於東方、晉憑河汾之險、執牛耳於西土、○齊以泰山爲障、渤海爲關、固表雄於東海矣、楚以方城爲城、漢水爲池、亦虎視南服矣、晉有景霍汾河、依以爲固、宋有頓邱玉暢、資以爲守

、至若秦據崤函汧渭之險、遂霸西戎、燕扼易水薊邱之要、亦稱強國、史駢深溝高壘、以老秦帥、晉文表襄山河、以成大業、○有擁崤函百二之雄、能無二陵之辱乎、有扼易水薊邱之險、能免五旬之敗乎、○無成之險、德施生民、自能衆志成城、攻之不去、戰何能克、彼有形之險、城雖高而可越、池形深而可踰、崇山大江亦可攀之航之、或囊裏以行、投鞭而斷矣、左天門而右天谿者、桀之險也、左孟門而右漳滏者、紂之險也、乃竟一則作囚南巢、一則梟首牧野、非徒恃其山河有形之險、而不知修無形之險哉、○左洞庭、右彭蠡者、三苗之地利也、卒見滅於三危、左河濟、右秦華、南伊闕、北羊腸者、桀之地利也、終放流於南巢、左孟門、右太行、南大河、北常山者、紂之地利也、竟被誅於牧野、○蓋立國雖恃地利、若無爲人之、地何利焉、秦得天下、築長城以限戎馬、隗囂據隴、以爲一丸泥可封函谷、宜其立子孫帝王萬世不拔之業也、何以一則不二世而銅駝荆棘、一則不旋踵而宗社丘墟、然則險可恃耶、不可恃耶、不待智者而後知也、舜以匹夫而有天下、漢高起身亭長、而統一中國、何嘗有天險之利、金湯之邑哉、○湯以七十里、成南巢之勳、武以三千人、奏牧野之功、○英以區區小嶼、雄視全球、美

以新建之邦、執盟新陸、何一非憑藉海洋、以伸其國勢者哉、

人才

○夫求木必於山、求珠必於淵、求士必於國、立功必於賢、但人多以私意累之、於讎則棄、於親則嫌、豈不重可惜乎、○十室之邑、必有忠信、三人同行、必有我師、○山林逸士、草澤英雄○鐵中之錚錚、庸中之佼佼、○高人逸士、○偉人高士、奇傑碩彥○袁袁巨子、赫赫偉人、○才德出衆之君子、智勇過人之男兒、○磊磊落落之英雄、堂堂烈烈之豪傑、○出類拔萃之聖賢、超羣邁衆之英雄、○大名鼎鼎之鴻儒碩彥、駿望昭昭之名士達人、○轟轟烈烈之忠臣、磊磊落落之義士、○鬚眉如戟之好男兒、肝膽相照之大丈夫、○不蹈恒蹊、○握瑜懷瑾、○雄才大略、○才學過人、見識超衆、○志趣超卓、抱負非常、○志越尋常、識超流俗、○心波湛月、智府澄清、情岳干霄、靈臺昭明、○有海闊天空之概、○橫絕一世之姿、壓倒羣雄之概、○慷慨激昂、不可一世、○才猷卓著、志識宏遠、○胸羅冠代殊猷、才蘊帝師偉略、○逐電驚鴻之氣概、旋乾轉坤之才力、○量足以包萬有、識足以鑒萬幾、智足以窮萬變、卓犖不羈、瑰瑋雄傑、恢然廓然、是

非千載不可必得之人乎、○度量之恢宏、足以容萬有、器識之卓越、足以斷萬疑、才智之神妙、足以應萬變、德性之渾厚懇摯、足以感孚將、○大丈夫爲雄飛、不爲雌伏、○狂瀾滔滔、一柱屹立、醉鄉夢夢、靈臺昭然、大丈夫之事也、○石勒曰、大丈夫作事、當磊磊落落、與日月爛然、豈若曹孟德、司馬仲達、欺人孤兒寡婦、以取天下耶○鶴立鷄羣、○三十載滯囚不決、而詳枉直於一時、（晉周處典）四百條疑事未明、而辨是非於旬日、（唐張文瓘典）○案盈書牘、門滿賓朋、而應對如流、萬事俱無壅滯、（梁范雲典）內總政刑、外供軍旅、而剖分自當、五官各有施行、（南朝劉穆之典）○才足以爲物雄、運萬機於掌握、（晉丁紹典）識足以謀王體、兼數器於身圖、（漢薛宣典）

○具恢宏之大度、奈何責以小文、（漢馬宮典）懷經濟之大才、不欲修夫小節、（唐杜黃裳典）○當理陰陽之氣、則問喘牛於郊外、而一鄉之鬪訟非所詢、（漢丙吉典）素儲俊傑之才、則期展驥於治中、而百里之簿書非所屑、（後漢龐統典）

○時勢造英、大亂啓聖、○豪傑蔚起、賢良輩出、英才濟濟、○嗚呼、鴻不遇風、不能奮飛、魚不麗水、不能激躍、大丈夫當群雄雲擾之際、四海鼎沸之秋、而欲奠天下之大

局、縱橫海內、吾知其不得人、則無以致之也、○有治人大而兵農禮樂、秩序修明、小而錢穀簿書、科條整飭、斯法律有肅然之效、國家有承平之望、○文王得呂尚而王、桓公得管仲而霸、○莘野耕夫、湯幣三聘而商治、渭濱釣叟、文車一載而周興、○有禹皋稷契、而後奏唐虞之治、有周召望散、而後成官禮之治、○文武雖聖、必得十人而天下治、沛公雖明、必得三傑而漢鼎定、○阿衡在位、南巢出不世之勳、尚父入朝、牧野著非常之績、齊桓任管仲、而稱雄東海、秦穆任孟明、而定霸西戎、漢高祖破格用韓信、而立四百年之基、唐太宗傾心用魏徵、而成三百年之業、○以其或運籌謀、或供餽餉、或擅戰攻、皆自成爲人傑、而分任以職事、故能取天下於五年、（漢高祖任用三傑典）以其或懷材識、或秉節操、或負學行、俱不愧爲相臣、而合任以合衡、故能安域中於兩世、（明仁宗宣宗重任三楊典）以其一善謀、一能斷、而任作元勳、遂定規模於殿閣、（唐太宗用房元齡杜如晦典）以其一應變、一守文、而任爲宰輔、直臻富庶於閭閻、（唐明皇用姚崇宋璟典）○彼秦用商鞅、變法而強國、乃二世而亡者、無治人也、宋相安石、變法以救時、而仍衰弱者、無治人也、

○微子去殷而殷墟、百里去虞而虞亡、諸葛死而蜀漢衰、景略死而苻秦亂、

○以言取之、或鳳鳴而鸞翰、以貌取之、或玉裏而珉表、人豈易知哉○堯何人也、咨四岳而試舜、舜何人也、選於衆而舉皋陶、○覽試夫賢良方正、詔州牧而各舉一人、(西漢武帝典) 詳延夫茂異隱淪、訪話言而用熙庶績、(宋太宗典)○天子設壇、急講登賢之舉、(漢明帝典)使臣分道、頻聞察吏之書、(唐德宗典)

○管仲憐才、盜猶可薦、祁奚舉士、仇且堪稱、○祁奚忘仇、面舉解狐、桓公釋怨、而相管仲、○無將相不出其門、臺閣集一室之彥、(宋晏殊典)有見聞必登其記、錄書分三等之才、(宋虞允文典)○公孫爲相、開東閣以招賢、齊使旁求、得孫臏以報怨、蕭何拔淮陰於行伍、王稽要范雎于中途、○千里之駿、不逢伯樂、則不效馳驅、連城之璧、未遇卞和則不見光瑩、○逢非伯樂、安知騏驥之良、遇乏公輸、曷識楸楠之美、是故駒稱千里、終死槽櫪之間、材號棟梁、竟朽蓬蒿之下、○良馬莫逢伯樂、騏驥即等於驚駘、美玉莫遇卞和、珠琳無殊於瓦礫、士之懷才不遇者、亦若是已、○伊尹不遇成湯、則仍躬耕莘野、武侯不遇先主、則仍高臥南陽、安得功著當時、而聲施後世哉、○縣驥不遇